



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Vita Benedicti Papae VII.

urn:nbn:de:hbz:466:1-15625

que Θεοτόκου semper virginis Mariæ, nec non apostolorum Petri & Pauli, Aldelmique almi præfulis, honorem, particulam terræ, & nominatim terram cum pratis & filuis munifica liberalitate restitui. Hæc a prædictis accommodata clericis a contentioso iniuste possessa est * Edolnodo; sed superstitione subtilique eius disceptatione a sapientibus meis audita, & conflictatione illius mendosa ab eisdem me præfente conuicta, monasteriali a me reddita est vsui, anno dominicæ incarnationis nongentesimo septuagesimo quarto, regni vero mei decimo quarto, regis consecrationis primo. *Hæc Malmesburiensis.*

SVBSCRIPTIONES.

Ego Edgarus totius Albionis finitimorumque regum basileus cum signo sanctæ Crucis istud chirographum confirmaui.

Ego Dunstanus Dorobernensis archiepiscopus istud donum regium hagiæ Crucis trophæo corroborauit.

Ego Osvaldus Eboracensis archiepiscopus subscripsi.

Ego Athelvvoldus episcopus Vvintoniensis consignauit.

Ego Lefvvinus Dorcaciensis episcopus consensit.

Ego Alstanus episcopus Londoniensis annuit.

Ego Turketulus abbas Croylandiæ subnotauit.

Ego Athelgarus abbas noui monasterii Vvintoniæ approbauit.

Ego Adulphus abbas Burgenfis collaudauit.

Ego Alferus dux adfuit.

Ego Athelvvinus dux adstitit.

Ego Brithodus dux aspexit.

Et alii.

VITA

BENEDICTI PAPÆ VII.

ANNO
CHRISTI
975.

BENEDICTVS huius nominis septimus omnium suffragio anno Christi 975. creatus est Romanus pontifex, quando auxilio Albericorum, de quorum familia ipse erat, adiutus, tyrannum & inuasorem throni apostolici Bonifacium ab Vrbe discedere, & pontificatum deserere coegisset. Exemplo & auctoritate Leonis Ostiensis, qui libro 2. cap. 4. Benedictum septimum eiusdem nominis Benedicto sexto, nullo alio interposito, successisse refert, ego

Benedictus quando & quibus auxiliis pontificatum quiete adeptus.

Cur Bonifacio omisso hic pon-

tifex sub-
iungatur
precedenti
Benedicto?

cum reuerendissimo & illustrissimo cardinale Baronio, Bonifacio illo sedis inuasore e numero & serie pontificum expuncto, eundem Benedictum septimum sexto cognomine Benedicto subiungo, ob causas quas supra allegauit.

Otto II.
moritur.

Hic Sergium Damascenum episcopum a Sarracenis relegatum benigne excepit, eique ecclesiam sancti Bonifacii, siue Alexii, colendam tradidit: in qua cum ille monachos collegisset, restitutaque obseruantia monastica annos quatuor illic egisset, sancto fine quieuit. Huius temporibus Otto secundus, dum post obitum patris decem annis imperium tenuisset, propter cladem sibi suoque exercitui in Calabria per Græcos & Sarracenos illatam mœrore confectus, obiit Romæ, anno Redemptoris nongentesimo octuagesimo tertio.

Otto III.
succedit.

Benedicti
obitus.

Otto tertius, quem pater adhuc viuens per Moguntinum & Rauennatem archiepiscopos Aquisgrani regem eligi & coronari procurauerat, in locum patris defuncti successit. Octauo mense post mortem Ottonis Benedictus papa ex hac vita migravit decima Iulii, anno Christi nongentesimo octuagesimo quarto, cum annos nouem sedem pontificiam tenuisset. Sepultus est in basilica sanctæ Crucis.

* CONCILIVM
CONSTANTINOPOLITANVM

ANNO
CHRISTI
975

QVO BASILIUS PATRIARCHA DEPOSITVS FVIT
anno DCCCCLXXV. sub Benedicto papa VII.

NOTA.

* *Concilium.*] In hac Synodo, quæ teste Curopalate habita fuit indiçtione tertia, Basilius patriarcha criminis accusatus deponitur, & in locum eius substituitur Antonius Studites. Baronius anno 975. num. 10.

CON-